

# Inisiatif ESG Public Bank Limbang kutip dua tan sampah dari sungai

2024-09-13T06:17:46+08:00



Kumpulan Public Bank Limbang Berhad bersama agensi lain pada Program Inisiatif ESG 'Selamatkan Sungai Limbang Kita' baru-baru ini.

LIMBANG: Kira-kira dua tan sampah sarap berjaya dikutip pada Program Inisiatif ESG 'Selamatkan Sungai Limbang Kita' anjuran Kumpulan Public Bank Limbang Berhad di sini, baru-baru ini.

Kumpulan Public Bank Limbang Berhad dalam kenyataan media hari ini berkata, program itu diadakan sebagai program tanggungjawab sosial korporat pihaknya untuk menjaga kebersihan sungai.

Katanya, program tersebut diadakan dengan kerjasama Polis Diraja Malaysia (PDRM) Limbang, Jabatan Bomba dan Penyelamat Malaysia (JBPM) Limbang, Lembaga Sungai-Sungai Sarawak (LSS) Limbang dan Majlis Daerah Limbang (MDL).

“Sampah sarap seberat dua tan berjaya dikutip pada program berkenaan melibatkan keluasan hampir satu kilometer di sungai berkenaan,” katanya.

Katanya, program itu bertujuan membersihkan Sungai Limbang bagi memastikan ekosistem aliran sungai terjaga.